

Bank Rakyat beri kemudahan pembayaran zakat

4/5:29 SINAR HARAPAN 22/12/23

SHAH ALAM - Bank Rakyat melancarkan perkhidmatan pembayaran zakat simpanan secara automatik menerusi Akaun Simpanan-i dan Akaun Semasa-i, baru-baru ini sebagai kemudahan kepada pelanggan untuk menunaikan kewajipan membayar zakat simpanan dengan mudah dan lancar.

Bank Rakyat dalam satu kenyataan berkata, menerusi kemudahan itu, Bank Rakyat akan mengguna pakai konsep Syariah iaitu kontrak Wakalah yang mana pelanggan sebagai 'muwakkil' melantik bank tersebut sebagai wakil untuk menguruskan pembayaran zakat kepada agensi mengurus zakat (AMZ) seperti Pusat Pungutan Zakat Majlis Agama Islam Wilayah Persekutuan (PPZ-MAIWP).

"Perkhidmatan baharu ini memperlihatkan komitmen berterusan bank berkenaan dalam memanfaatkan rangkaian perkhidmatan dan perbankan digitalnya dengan menyediakan penyelesaian inovatif kepada pasaran.

"Ia akan memberikan kemudahan dan pengalaman terbaik pelanggan, termasuklah membantu meningkatkan kemakmuran ekosistem kewangan sosial dan Islam secara keseluruhannya," jelas kenyataan itu.

Tunai Zakat Simpanan anda bersama Bank Rakyat

Secara automatik dan sistematik menerusi akaun individu:

- Akaun Simpanan-i
- Akaun Semasa-i Elektronik

Kelebihan yang boleh dinikmati:

- Pembayaran zakat tahunan yang konsisten
- Tiada kos tambahan
- Kemudahan notifikasi dan resit pembayaran zakat

Agensi zakat yang dilantik adalah Majlis Agama Islam Wilayah Persekutuan (PPZ-MAIWP) Terletak pada alamat di bawah.

Logos: Bank Rakyat, Malaysia Madani, and other partners.

Bank Rakyat menyediakan kemudahan pembayaran zakat kepada pelanggannya.

Menurut kenyataan itu, inisiatif yang juga bertepatan dengan nilai daya cipta Malaysia Madani ini bukan sahaja dapat menggalakkan pelanggan memenuhi tanggungjawabnya malah memastikan kelancaran pelanggan untuk membayar zakat simpanan tahunan mereka pada waktunya.

"Jumlah zakat simpanan akan dihitungkan secara automatik dan ditolak melalui sistem Bank Rakyat apabila memenuhi syarat haul dan nisab menerusi akaun pelanggan tanpa sebarang caj tambahan," katanya.